

Morning Dogri (NSD) National News Bulletin 13-03-2025

आकाशवाणी

- प्रधानमंत्री नरेन्द्र मोदी होर अपना 2 रोजा मॉरीशस दौरा मुकम्मल करियै मुख्य परतोई आए न। दौरे दरान दौनें मुख्ये बशकार 8 महत्वपूर्ण समझौते पर दस्तखत कीते गे न। ग्लोबल साउथ दे हितें लेई किट्ठे रलियै कम्म करने दा प्रण पाया।
- लोकसभा अध्यक्ष ओम बिरला होरें आखेआ ऐ जे भारत हरओक्खी घड़ी च अपने गोआंढी मुख्ये दी मदद लेई तैआर रौहदा ऐ, टकोहदा करियै आपदाएं क्रोपिएं दरान।
- विदेश मंत्री डॉ. एस.जयशंकर ते सूचना ते प्रसारण मंत्री अश्विनी वैष्णव होर वेक्स-2025 सम्मेलन शा पैह्ले अज्ज नमीं दिल्ली च वैश्विक समुदाय कन्नै संपर्क करगंन।
- पाकिस्तान नै दावा कीता ऐ जे ब्लोचिस्तान च रेलगड्डी च सुआर यात्रिएं गी अगवाह करने आले बीएलए दे आतंकवादिएं खलाफ कारवाई मुकम्मल, 346 बंधकें गी छुड़ाई लैता गेआ ऐ ते 50 आतंकवादिएं दा बी सफाया।
- विश्व पैरा एथलीटिक्स ग्रां प्री 2025 दे दुए ध्याड़े बी कल भारतीय एथलीटें दा दबदबा जारी रेआ।
- महिला प्रीमियर लीग दे इक एलीकमनेटर मैच च अज्ज मुंबई च गुजरात जायंट्स ते मुंबई इंडियन्स दियां टीमां आमने सामने होंगन।

<><><><><><>

PM-Mauritius

प्रधानमंत्री नरेन्द्र मोदी होर दऊं दिनें दा मॉरीशस दौरा मुकम्मल करियै परतोई आए न। इस दौरे कन्नै दौनें मुख्ये दे रणनीतिक सरबंधे इक नमें स्तरै पर पुज्जी गे न। मोदी होरें इस दौरे बारे गल्ल करदे होई आखेआ जे भारत मॉरीशस दे विशेष आर्थिक क्षेत्र दी सुरक्षा च पूरा सैहयोग देने लेई वचनबद्ध ऐ। इस दौरे दरान उनें समुंद्री सुरक्षा ते मकामी करंसी च बपार समेत 8 समझौते पर दस्तखत कीते न।

प्रधानमंत्री मोदी होरें ग्लोबल साउथ दे हितें गी सुरक्षत ते विकास लेई “महासागर” नां देइयै इक नमां नजरिया पेश कीता ऐ। उत्थूं दे प्रधानमंत्री नवीन चन्द्र राम गुलाम हुंदे कन्नै दबक्खी ते शिष्टमंडल स्तर दिएं बैठकें दे बाद दौनें मुख्यें केई समझौते पर दस्तखत कीते, जेह्दे च राजनीतिक अदान प्रदान, विकास कम्में च सांझ-भ्याली, अंतरिक्ष ते जलवायु परिवर्तन, सेहत ते शिक्षा क्षेत्र सैहयोग, आर्थिक ते बपार कारोबार च सैहयोग, डिजीटल सैहयोग, सांस्कृतिक ते लोकें-लोकें बश्कार मेलमिलाप ते रक्षा ते समुंद्री सुरक्षा सैहयोग शामिल न।

<><><><><><>

Birla Neighbouring

लोकसभा अध्यक्ष ओम बिरला होरें जोर देइयै आखेआ जे भारत गोआंढी देशें गी मदद देने च म्हेशां अग्गे रौहदा ऐ, खास तौरा पर आपदा दे दरान। बिरला होरें एह गल्ल नमीं दिल्ली च मेडागास्कर दी नैशनल असेंबली दे अध्यक्ष जस्टिन टोकली हुंदी कयादत च मेडागास्कर दे इक संसदीय प्रतिनिधिमंडल दे कन्नै दबक्खी बैठक दे दरान आक्खी। बैठक दे दरान बिरला होरें दस्सेआ जे भारत मेडागास्कर मित्र दे कन्नै कन्नै तरक्की दी ओहदी यात्रा च इक निगार भागीदार दे रूपा च सब्बने शा मता सम्मान दिंदा ऐ। उनें आखेआ जे भारत ते मेडागास्कर बपार, संस्कृति ते लोकें दे लोकें बश्कार तालमेल च डूहगे सरबंध सांझे करदे न।

<><><><><><>

Waves

विदेश मंत्री डॉ. एस.जयशंकर ते सूचना ते प्रसारण मंत्री अश्विनी वैष्णव होर वेक्स 2025 सम्मेलन कोला पैहले अज्ज नमीं दिल्ली च वैश्विक समुदाय कन्नै संपर्क करगंन। सूचना ते प्रसारण राज्यमंत्री डॉ. एल.मुरुगन ते मेजबान राज्य महाराष्ट्र दे मुख्यमंत्री देवेन्द्र फडनवीस होर बी इस कार्यक्रम च मजूद रौहगन। इस शिखर सम्मेलन दे आयोजन दा मकसद तेजिया कन्नै बधदे विस्तार करदे मीडिया ते मनोरंजन दे क्षेत्र लेई कुलसंसारी सतह दा इक मंच उपलब्ध कराना ते वेक्स दी बदलाव ते सुधार आहन्नने सरबंधी छमता दा प्रदर्शन करना ऐ। एह शिखर सम्मेलन पैहली मई कोला 4 मई 2025 तगर मुंबई च आयोजत कीता जाग ते एह एहदा पैहला संस्करण होग।

<><><><><><>

Pak-BLA

पाकिस्तान दे बोलन जिले च जाफर एक्सप्रेस रेलगड्डी पर बलूच लिबरेशन आर्मी दे हमले ते अपहरण दे बाद पाकिस्तानी फौज कन्नै टाकरा 14 घैंटे दे बाद आखरकार मुक्की गेआ ऐ। सुरक्षा सूत्रें दे हवाले कन्नै दस्सेआ गेआ ऐ जे हमलावरें पर काबू पाने ते बंधकें गी बचाने लेई शुरू कीती गेदी फौजी कारवाई आला अभियान पूरा होई गेआ ऐ जेह्दे च 346 बंधकें गी सुरक्षत बचाई लैता गेआ जिसलै जे 50 उग्रवादिणं गी मारी मकाने दा बी दावा कीता गेआ ऐ। जियां जे पैहले बी खबर दित्ती जाई चुकी दी ऐ जे ब्लोचिस्तान दी राजधानी क्वेटा थमां खेबर पख्तूनख्वा दी राजधानी पेशावर जा'रदी रेलगड्डी गी अत्तू बलूच लिबरेशन आर्मी दे उग्रवादिणं अपने कब्जे च लेइयै 400 कोला मते लोकें गी बंधक बनाई लैता हा।

<><><><><><>

US Ukraine

रूसी क्रेमलिन दे प्रवक्ता दिमित्री पेस्कोव होरें आखेआ ऐ जे अमरीका ते यूक्रेनद बश्कार युद्ध विराम प्रस्ताह पर होई दी गल्लबात दे सरबंधे च रूस अमरीका कोला होरे बयोरे गी बलगा करदा ऐ। क्रेमलिन प्रवक्ता नै आखेआ ऐ जे अमरीकी विदेश मंत्री मार्को रुबियो ते राष्ट्रीय सुरक्षा सलाहकार माइक वाल्टज नै आखेआ ऐ जे ओह सउदी अरब दे जिह्दाह च होई दी गल्लबात दे बारे च बक्ख-बक्ख सियासी माध्यमें राणं जानकारी साझा करगंन। प्रवक्ता नै आखेआ ऐ जे अगले किश दिनें च इमरीका दे अफसरें कन्नै तैहशुदा बैठकें च सब्बै लोड़चदे ब्योरे उपलब्ध कराए जांगन।

<><><><><><>

New Startup

महाराष्ट्र दे मुख्यमंत्री देवेन्द्र फडनवीस होरें गी कल इनफोसिस दे संस्थापक नारायण मूर्ति होरें '6द मुबई हाल ऑफ फेम पुरस्कार कन्नै सम्मानत कीता। फडनवीस होरें गी एह पुरस्कार उद्यमिणं सरबन्धी शिखर सम्मेलन च दित्ता गेआ। उनें गी एह पुरस्कार बुनियादी ढांचे दे विकास, निवेश त जल संरक्षण दे क्षेत्र च उंदे योगदान आस्जै दित्ता गेआ। फडनवीस होरें अगगे आखेआ जे महाराष्ट्र सीधे विदेशी निवेश आस्तै पसंदीदा थाहर बनी गेआ ऐ। उनें आखेआ जे पिछले 9 म्हीने च महाराष्ट्र च इक लक्ख 39 ज्हार करोड़ रपे दा निवेश होआ ऐ।

<><><><><><>

Vaishnav

सूचना, प्रौद्योगिकी ते रेल मंत्री अश्विनी वैष्णव होरें भारतीय बजार च प्रवेश दी तैआरी करा'रदे सोसएक्स दे स्टारलिनक सेवा दा सुआगत कीता ऐ। वैष्णव होरें इेक सोशल मीडिया संदेश च आखेआ ऐ जे एह सेवा दूर दरेड़े खेत्तरें च रेल परियोजनाएं आस्तै बड़ी मती उपयोगी साबत होग। वैष्णव हुंदा एह ब्यान दऊं भारतीय दूरसंचार कंपनिएं आस्सेआ स्टारलिनक दी इंटरनेट सेवाएं आस्तै स्पेसएक्स कन्नै सांझेदारी दी घोषणा मगरा आया ऐ।

<><><><><><>

Para Athletics

भारत नै कल विश्व पैरा एथलेटिक्स ग्रा प्री 2025 दे दुए ध्याड़े बी बक्ख-बक्ख सपर्धाएं च बड़ा गै शानदार प्रदर्शन करदे होई अपना दबदबा कायम रखेआ। नमीं दिल्ली दे जवाहर लाल नेहरू स्टेडिश्म च चने करदे इस आयोजन च कल नेजा सुट्टने दी प्रतियोगिता च रिकू हुड्डा नै सुन्ने दा तगमा जित्तेआ जिसलै जे रितेन्द्र नै एफ-49 ते एफ-41 श्रेणी च भारत लेई इक होर सुन्ने दा तगमा हासल कीता। नेजा सुट्टने दी एफ-34 श्रेणी च भाग्यश्री माधव राव जाधव नै सुन्ने दा तगमा हासल कीता। कल संजा तगर भारत 33 सुन्ने दे, 29 चांदी ते 39 कैह दे तगमे जित्तिथै कुल 95 तगमें कन्नै पैहले नंबर पर बने दा ऐ।

<><><><><><>

WPL

महिला प्रीमियर लीग क्रिकेट च अज्ज मुंबई इंडियन्स दा मकाबला गुजरात जायंट्स कन्नै होग। मैच मुंबई च संजा साढ़े 7 बजे शुरू होग। दिल्ली कैपिटल्स नै पैहले गै फाइनल च अपनी थाहर पक्की करी लैती ऐ। प्रतियोगिता च मुंबई दूई ते गुजरात जायंट्स त्रीह थाहर पर न।

<><><><><><>